



ԱՄԵՆԱՅՆ ՀԱՅՈՑ ՎԵՀԱՓԱՌ ՀԱՅՐԱՊԵՏԻ
 ԸՆՈՐՀԱՎՈՐԱԿԱՆ ԳԻՐԸ ԱՄԱՆՈՐԻ ԵՎ ՍՈՒՐԲ ԾՆՆԴՅԱՆ
 ՏՈՆԵՐԻ ԱՌԹԻՎ՝ ՈՒՂՂՎԱԾ ՀԱՅԱՍՏԱՆՅԱՅՑ ԵԿԵՂԵՑՈՒ
 ՆՎԻՐԱՊԵՏԱԿԱՆ ԵՐԵՔ ԱԹՈՌՆԵՐԻՆ, ԹԵՄԱԿԱԼ ԲՈԼՈՐ
 ԱՌԱՋՆՈՐԴՆԵՐԻՆ ԵՎ ԵԿԵՂԵՑԱԿԱՆ ՀԱՄԱՅՆՔՆԵՐԻՆ

«Փառք ի բարձունս Աստուծոյ և յերկիր խաղաղութիւն, ի մարդիկ հա-
 նութիւն»:

Այսօր, այս փառք ենք տալիս բարձրյալն Աստուծո, որ վերստին բե-
 րում է մեզ բոլորիս և համայն մարդկությանը, մեծ ավետիսը մանուկ Հի-
 սուսի հրաշք Ծննդյան ի մխիթարություն մեր հուսացյալ հոգիների: Մա-
 նավանդ մեր Սուրբ Եկեղեցին ու հավատավոր ժողովուրդը մեր, որ ապ-
 րում է իր դարավոր պատմության ամենատագնապալի պահերից մեկը իր
 Մայր Երկրում, հայացքը դեպի երկինք հառած, օգնություն է հայցում
 Աստվածորդուց, որն աշխարհ եկավ որպէս փրկիչ ազգի մարդկան: Ահա
 մեր հույսը և մեր ուրախությունը այս օրերին, որով դիմավորում ենք այս
 տարի ավետիսը լուսաշող Սուրբ Ծննդյան:

Թող մեր Փրկչին Քրիստոսի կենարար շնորհները առատապէս բաշխ-
 վեն Ձերդ Սրբության, Ձեր Սուրբ Աթոռին, ուխտապահ հոգևոր դասին,
 վարչական մարմինների հարգարժան անդամներին ու համայն Մեր հավա-
 տացյալ զավակներին:

Ամենայն բարիք, սեր և խաղաղություն եղիցին ընդ ձեզ այժմ և միշտ,
 ամեն:

Շնորհավոր Նոր տարի և Սուրբ Ծնունդ:

Եղբայրական սիրով՝

ՎԱԶԳԵՆ Ա

ԾԱՅՐԱԳՈՒՅՆ ՊԱՏՐԻԱՐԷ ԵՎ ԿԱԹՈՂԻԿՈՍ
 ԱՄԵՆԱՅՆ ՀԱՅՈՑ

Ս. Էջմիածին

* * *

Ամանորի և Սուրբ Ծննդյան տոների առթիվ Ամենայն Հայոց Վեհա-
 փառ Հայրապետի անունով ստացվեցին ամենաջերմ և հարգալից զգաց-
 մունքներով զեղուն բազմաթիվ շնորհավորական հեռագրեր և նամակներ

մեր նվիրապետական երեք Աթոռների գահակալներից, արտասահմանի և ներքին բոլոր թեմերի առաջնորդներից, ազգային-եկեղեցական, մշակութային, հայրենակցական, տիկնանց, օրհորդաց և երիտասարդաց զանազան կազմակերպություններից, հայ և օտար պաշտոնական անձնավորություններից:

Հանուն Հայոց Հայրապետի ջերմ շնորհակալություն ենք հայտնում ստացված պատասխան շնորհավորականների համար:

